

堯山堂外紀

堯山堂外紀卷六

晉陵蔣仲舒編

漢

世祖秀

字文叔生時有嘉禾一莖九穗之瑞故名王莽改貨曰貨泉人以其字為

白水真人帝竟徙南陽白水鄉起

王莽末漢兵起春陵戴侯曾孫玄在平林兵中號  
更始將軍以世祖行大司馬事後更始委政於  
趙萌所授官爵皆群小賈豎或有膳夫庖人長

堯山堂外紀卷六

安中為之語曰竈下養中。卽將爛羊胃騎都尉  
爛羊頭關內侯。由是關中離心。四海怨叛。時成  
紀隗囂起兵。應漢更始。徵至長安。逃歸天水。囂  
少病。蹇天水童謠曰。出吳門望緹群。見一寒人  
言欲上天。今天可上。地上安得民。後囂意稍廣。  
歌為天子。遂被滅。吳門。冀郭門名也。緹群。山名。

更始時。南陽有童謠曰。諧不諧。在赤眉。得不得。在  
河北。是時更始在長安。世祖為大司馬。平定河

北更始大臣竝僭專權故謠妖作也後更始遂為赤眉所殺世祖自河北興

世祖建武六年蜀中童謠曰黃牛白腹五銖當復是時公孫述僭號於蜀時人竊言王莽稱黃述欲繼之故稱白五銖漢家貨明當復也述遂誅滅

郭况

郭皇后弟也世祖數幸其臨賞賜金帛豐盛莫比京師號况家為金穴

郭况累金數億錯拾寶以飾臺榭懸明珠於四垂

晝視之如星夜望之如日里語曰洛陽多錢郭氏室夜日晝星富無匹

陰長生

陰皇后親屬從馬明生學度世之道後于丰郡山中白日昇天長生嘗裂

黃表寫丹經一通封以文石之玉著嵩高山一通封以黃金之玉著華山一通封以白銀之玉著蜀緱山今丰郡山仙都觀西壁有天成四年人書長生古詩三章

陰真人鍊丹歌曰有物有物可大可久採乎蚕食之前用乎火化之後成湯自上而臨下夸父處中而見受氣應朝光功參夜漏白英聚而雪慙

黃酥凝而金醴轉制不已神趣鬼聚金歟玉歟  
天年上壽無著於文談文在口

馬援

字文淵初字客卿援幼而岐嶷兄甚奇之  
以為將相器故以客卿字焉明德皇

后棧女也建武中選入太子宮時  
年十三為貴人明帝即位立為后

建武間馬援拜伏波將軍征交趾綠海而進隨山  
刊道千餘里十八年軍至始平之封新息侯後  
武陵蠻寇臨沅援請行援門生棗寄生善吹笛  
援作武溪溪行以和之曰滔滔武溪一何溪鳥

飛不度獸不能臨嗟哉武溪今多毒淫軍至壺  
頭不利卒軍中

明德皇后美於色厚於德帝用嘉之嘗從觀畫遇  
舜廟見娥皇女英帝指之戲后曰恨不得如此  
者為妃又前見陶唐像后指堯曰嗟乎羣臣百  
僚恨不得如此者為君帝顧而笑

馬后履行節儉事從簡約馬廖慮以美業難終上  
疏長樂宮以勸成德政曰傳曰吳王好劍客百

姓多創癥楚王好細腰宮中多餓死長安語曰  
城中好高髻四方高一尺城中好廣眉四方且  
半額城中好大袖四方全匹帛斯言如戲有切  
事實后溪納之

張堪

字君游少時志美行勵號曰聖童為光祿大夫數諫堪乘白馬光武每有異政

輒曰白馬生且復諫矣在漁陽八年妻子寒素如一日與同里朱暉善以妻子託堪卒暉聞其妻子貧困自往候視厚賑給之

建武中張堪為漁陽太守捕擊姦猾賞罰必信吏



民皆樂為用乃於狐奴開稻田八千餘頃勸民耕種以致殷富百姓歌之曰桑無附枝麥穗兩岐張君為政樂不可支

建武中朱暉再遷臨淮太守好節槩有所拔用皆厲行士諸報怨以義犯率皆為求其理多得生濟其不義之囚即時僵仆吏人畏愛為之歌曰疆直自遂南陽朱季吏畏其威民懷其惠

樊曄

建武中樊曄爲天水太守政嚴猛好申韓法善惡立斷人有犯其禁者率不生出獄吏人及羌胡畏之道不拾遺商旅委錢物于道旁曰以付樊父後還其物如故涼州爲之語曰遊子常苦貧力子天所富寧見乳虎穴不入異府寺大笑期必死忿怒或見置嗟我樊府君安可再遭值

戴憑

建武中戴憑徵博士詔公卿大會群臣皆就席憑

獨立世祖問其意對曰博士說經皆不如臣而坐居臣上是以不得就席帝令與諸儒難說帝善之後正旦朝賀令群臣說經更相難詰義有不通輒奪其席以益通者憑遂重坐五十餘席京師語曰說不窮戴侍中

明帝莊

初名陽封  
東海王

永平中袁牢王柳貌遣子率種人內屬帝以其地置袁牢博南二縣割益州郡西部都尉所領六

縣合為永昌郡始通博南山度蘭倉水行者苦  
之作歌曰漢德廣開不賔度博南越蘭津度蘭  
倉為它人

帝既通博南益州刺史朱黼宣示漢德威懷遠夷  
白狼王唐啟等慕化歸義作詩三章有捷為郡

掾田恭譯其辭語黼令從事李陵與恭護送詣

闕遠夷樂德詩曰提官隗構大漢是治魏冒踰糟與天

合因譯劉脾吏譯平端旁莫支留不從微衣隨旅聞風

向知唐桑艾。奇異所見邪毗結繡。多賜推潭僕速。美甘

酒拓拒蘇便。昌樂局後仍離。屈中倭讓龍洞。美

貧莫支度由。無所陽雒僧鱗。願主莫釋角存。孫子

遠夷慕德詩曰倭讓皮尼。變夷且交陵悟。入日

部繩動隨旅。慕義詔且俛雜。歸日聖德渡諾。聖

魏菌度洗。與人綜邪流藩。冬多作邪尋螺。夏

和窺得瀘灘。寒溫菌補邪推。部人辟危歸險。危涉

隱莫受萬柳。不遠術壘附德。去俗仍路葶摸。歸心

慈母遠夷懷德詩曰荒服之儀荒服之外犁籍憐憐地土

境阻蘇邪犁食肉莫殤麤沫不見罔譯傳微吏

傳是漠夜拒大漢安樂縱優路仁隽負雷折險龍曠

險倫狼藏幢高山峻扶路側祿綠崖息洛服滌薄木

發理源髭雉百宿到洛捕萑菌毗父子懷豪匹編懷

帛傳言呼救傳告種人陵陽臣僕長願帝嘉之事下

史官錄其詩焉

周澤

字穉都安丘人少習公羊嚴氏春秋隱居教授學徒數百人

周澤永平中為太常恒齋其妻怜其年老疲病窺  
內問之澤大怒以為干齋祿吏叩頭爭之不聽  
遂收送詔獄并自劾論者非其激發諺曰居世  
不諧叶為太常妻一歲三百六十日三百五十  
九日齋叶一日不齋醉如泥既作事復低迷

廉范

字叔度

建初中廉范為蜀郡太守成都民物阜盛邑宇偏  
側舊制禁民夜作以防火災而更相隱蔽燒者

日屬范乃毀削前令但嚴使儲水百姓以為便  
乃歌之曰廉叔度來何暮不禁犬民安作肯無  
襦今五袴

黃香

字文強江夏人肅宗詔  
詣東觀讀所未嘗見書

黃香博學經典究精道術能文章京師號曰天下  
無雙叶江夏黃童

黃香有奴號髯奴常有辭責其鬚曰我觀人鬚長  
而復黑冉弱而調離離若綠坡之竹鬱鬱若春



田之苗。因風披靡。隨風飄颻。爾乃附以豐順。表以娥眉。發以素顏。呈以妍姿。約之以紺綫。潤之以芳脂。芊芊翼翼。靡靡綫綫。振之發。粲黝若玄珪之垂。於是搖鬢奮髯。則論說唐虞。鼓髻動鬣。則研覈否臧。內育瓌形。外闡宮商。相如以之。閑都顯孫。以之。堂堂。豈若子髯。既亂且藉。枯槁禿瘁。劬勞辛苦。汗垢流離。污濺泥土。僮噉穰。孺與塵為侶。無素顏可依。無豐頤可怙。動則困於愆。

滅靜則窘於囚虜。命為髡正著子願為此不能疵其四體。為智不能飾其形骸。癩鬚瘦面常如死灰。曾不如犬羊之毛尾。狐狸之毫釐。為子鬚者不亦難乎。

梁鴻

字伯鸞後易姓運期名曜字侯光鴻少孤尚節嘗獨止不與人同食比舍先炊

已呼鴻及妻盞炊鴻曰童子鴻不因人妻者也。威窳更然之同郡孟氏其女名先狀貌醜而黑力能舉石臼擇而不嫁。至年三十鴻聞聘之光每具食舉案齊眉。

梁鴻與妻子共入霸陵山中以耕織為業詠詩書

彈琴自娛慕前世高士為四皓以來二十四人  
作頌因東出關過京師作五噫歌曰陟彼北印  
兮噫顧瞻帝京兮噫宮闕崔嵬兮噫民之劬勞  
兮噫遼遠未央兮噫肅宗聞而悲之求鴻不得  
梁鴻久居齊魯之間有頃又去適吳將行作詩曰  
逝舊邦兮遐征將遙集兮東南心愷怛兮傷悴  
志菲菲兮升降欲乘策兮縱邁疾吾俗兮作說  
競舉枉兮措直咸先佞兮挺挺固靡慙兮獨建

冀異州兮尚賢。聊逍遙兮遨嬉。續仲尼兮周流。  
倘云親兮我悅。遂舍車兮即浮。過季札兮延陵。  
求魯連兮海隅。雖不察兮先貌。幸神靈兮與休。  
惟季春兮華阜。麥舍英兮方秀。哀茂時兮逾邁。  
愍芳香兮日臭。悼我心兮不獲。長委結兮焉究。  
口噤噤兮余訕。嗟恇恇兮誰留。及抵吳依大家。  
臯伯通居廡下。潛匿著書十餘篇。卒伯通為求  
葬地于要離冢傍。曰要離節士。伯鸞清高。可令

之相近

初鴻友人京兆高恢少好老子隱于華陰山中及  
鴻東遊思恢作詩曰鳥嚶嚶兮友之期念高子  
兮僕懷思想念恢兮爰集茲二人遂不復相見  
恢亦高抗終身不仕

鴻在吳依臯伯通高士傳  
高恢字伯通恐是臯高同

音而伯通  
同字也

桓麟

字元龍沛郡龍  
亢人崇曾孫

桓麟年十二在伯父桓焉坐焉告客曰此吾弟子

有異材殊能作詩賦客乃作詩示驎曰甘羅十  
二楊烏九齡昔有二子今則桓生驎即應聲答  
曰逸矣甘羅超等絕倫伊彼楊烏命世稱賢嗟  
予蠢弱殊才偉年仰慙二子俯愧過言。

班固

字孟堅和帝時以竇憲賓客收捕死獄中  
所著漢書未就詔因女弟昭踵成之

昭適費氏帝數召入宮令皇后  
諳貴人師事焉號曰大家

班孟堅白雉詩曰啟靈篇兮披瑞圖獲白雉兮效  
素鳥嘉祥阜兮集皇都發皓羽兮奮翹英容潔

朗兮於純精。彰皇德兮侔周成。永延長兮膺天慶。

曾大家鍼縷賦曰。鎔秋金之剛精。形微鈔而直端。性通遠而漸進。博庶物而一貫。惟鍼縷之列迹。信廣博而無原。退逶迤以補過。似素絲之羔羊。何斗筭之足筭。咸勒石而升堂。

張霸

字伯饒。數歲知孝。讓師張曾子。

永元中張霸為會稽太守時賊未解郡界不寧乃

移書開購明用信賞賊遂束手歸附不煩士卒  
之力童謠歌曰弃我戟捐我矛盜賊盡吏皆休

吳資

字元約  
太山人

永建中吳資為巴郡太守屢獲豐年人歌之曰吳  
資其辭曰習習晨風動澍雨潤禾苗我后恤時  
務我人以優饒及資遷去人思資又歌曰吳資  
其辭曰望遠忽不見惆悵當徘徊恩澤實難忘  
悠悠心永懷



張衡

字平子南陽人作二京賦十年乃成衡死日蔡邕母始懷孕二人才貌甚相類

人云邕是

衡後身

陽嘉中張平子遷侍中宦官懼其毀已共譏之出  
為河間王相時天下漸弊鬱鬱不得志乃為四  
愁詩一思曰我所思今在太山欲往從之梁父  
鄭側身東望涕霑翰美人贈我金錯刀何以報  
之英瓊瑤路遠莫致倚逍遙何為懷憂心煩勞  
二思曰我所思今在桂林欲往從之湘水溪側

身南望涕霑襟。美人贈我金琅玕。何以報之雙  
玉盤。路遠莫致。倚愔愔。何為懷憂心。煩傷三思。  
曰我所思。今在漢陽。欲往從之。隴阪長。側身西  
望涕霑裳。美人贈我貂襜褕。何以報之明月珠。  
路遠莫致。倚踟躕。何為懷憂心。煩紆。四思曰我  
所思。今在鴈門。欲往從之。雪雰雰。側身北望涕  
霑巾。美人贈我錦繡段。何以報之青玉案。路遠  
莫致。倚憎歎。何為懷憂心。煩惋。

張衡定情歌曰大火流兮草虫鳴繁霜降兮草木  
零秋為期兮時已征思美人兮愁屏營。

張衡同聲歌曰邂逅承際會得克君後房情好新  
交接恐慄若探湯思為莞蒨席在下蔽匡牀願  
為羅衾情在上衛風霜。

堯山堂外紀卷六終

堯山堂外紀卷七

晉陵蔣仲舒編

漢

桓帝志

字曰意帝所厚者中官所悅者女寵惟此兩途

帝初封蠡吾侯質帝無嗣太尉李固欲立清河王蒜大將軍梁冀貪樹疏幼以為已功乃白太后策免固迎立帝是月固幽斃于獄暴死道路而太尉胡廣封安樂鄉侯司徒趙戒尉亭侯司空

袁湯安國亭侯京都童謠云直如弦死道邊曲如鉤反封侯。

元嘉中涼州諸羌一時俱反大為民害帝命將出衆每戰常負中國益發軍卒麥多委棄天下童謠曰小麥青青大麥枯誰當穫者婦與姑丈夫何在西擊胡吏買馬君具車請為諸君鼓隴胡元嘉永興間京師童謠云城上烏尾畢逋公為吏子為徒一徒死百乘車車班班入河間河間姪

女工數錢以錢為室金為虛石上慊慊春黃糧

梁下有懸鼓我欲擊之丞卿怒也按此皆為政會

速者處高利獨食不與下若謂人主多聚歛也  
公為吏子為徒者言鬱爽將時逆父既為軍吏  
其子又為卒徒往擊之也一徒死百乘車者言  
前一入往討胡既死矣後又遣百乘車往車班  
班入河間者言桓帝將崩乘與班班入河間迎  
靈帝也河間姪女工數錢以錢為室金為堂者  
靈帝既立其母永樂太后好聚金以為堂也石  
上慊慊春黃梁言永樂唯積全錢慊慊常若不  
足吏民春黃梁而食之也梁下有懸鼓我欲擊  
之丞卿怒者言永樂主教靈帝使壽官受錢所  
祿非其人天下忠篤之士怨望欲擊懸鼓以  
求見丞卿主鼓者亦復諂順怒而止我也

桓帝時有人辟公府掾者情人作奏記文人不能  
為作因語曰梁國葛龔者先善為記文自可寫  
用不煩更作遂從人言寫記文不去龔名姓府  
公驚不答而罷歸時人語曰作奏雖工宜去葛  
龔

桓帝之世更相濫舉人為之謔曰舉秀才不知書  
舉孝廉父別居寒素清白濁如泥叶高第良將  
怯如雞

朱穆

字公叔。漢之子梁冀素聞穆名。拜之。使典兵事。拜御史。桓徽拜尚書。

朱穆與劉伯宗絕交詩曰。北山有鷗。不潔其翼。飛  
一不正向。寢不定息。餓則木欖飽則泥伏。饕餮貪  
汚。臭腐是食。填腸滿臆。嗜欲無極。長嗚呼。鳳謂  
鳳無德。鳳之所趨。與子異域。永從此訣。各自努  
力。

仇覽

字季智。一名香。

仇覽為蒲亭長。初到亭。有陳元之母詣覽告元不



孝覽以善言勸慰之母聞感悔涕泣而去覽乃親到元家與其母子飲因為陳人倫孝行譬以祠福元卒成孝子鄉邑為之諺曰父母何在在我庭。化我鳴泉哺所生。

邊韶

字孝先以文學知名桓帝徵為大中大夫所著有憲賦一篇傳世

邊孝先教授常數百人曾晝日假臥弟子私譏之曰邊孝先腹便便懶讀書但欲眠孝先潛聞之應時對曰邊為姓孝為字腹便便五經笥但欲

眠思經事。寐與周公通夢。靜與孔子同意。師而可嘲。出何典記。嘲者大慙。

靈帝宏

河間孝王曹孫先封解讀亭侯嘗問侍中楊奇朕何如桓帝對曰亦猶虞

舜比德

唐堯

靈帝起裸游館千間。渠水遠砌蓮。大如蓋。長一丈。夜舒畫卷。名夜舒荷宮人。年二七以上。三六以下。皆靚粧而解上衣。或共裸浴。西域貢茵。婢香。煮湯宮人。以之沐浴。畢餘汁入渠。號流香渠。

帝乘舡遊漾選玉色宮人執箏揖奏招商之曲  
以來涼風歌曰涼風起兮日照渠青荷晝偃葉  
夜舒惟日不足樂有餘清絲流管歌玉鳧千秋  
萬歲喜難踰

長陵田鳳為尚書郎儀貌端正入奏事靈帝目送  
之因題殿柱曰堂堂乎張京兆田郎

靈帝中平中京都有董逃歌云承樂世董逃遊四  
郭董逃蒙天恩董逃帶金紫董逃行謝恩董逃

整車騎董逃垂欲發董逃與中辭董逃出西門  
董逃瞻宮殿董逃望京城董逃心摧傷董逃時  
董卓以此歌主為已發大禁絕之改董逃為董  
安云

靈帝末京都董誥云疾非疾王非王千乘萬騎上  
北芒至中平六年少帝登躡至尊獻帝未有爵  
號為中常侍段珪等所執公卿百官皆隨其後  
到河上乃得來還此為非疾非王上北芒云

胡廣

字伯始本黃姓以五月五日生父母惡之棄葫蘆中弃河流岸側居人叔養及

長有盛名父母欲取之廣以為肯其所生害義背其所養忘恩而无所婦託葫蘆而

生也乃姓胡名廣

胡廣周流四公三十餘年歷仕六帝練達故事明  
解朝章京師諺曰萬事不理問伯始天下中庸  
有胡公廣常遜言恭色取媚於時天下以此薄  
之

趙壹

字元叔光和元年舉郡上計是時司徒袁逢受計與河南尹羊陟共稱焉之名

勸京師及西遷州郡等疏  
禮命十辟公府並不就

趙壹恃才倨傲為鄉黨所擯後屢抵罪幾至死反  
人救得免壹作疾邪賦末云有秦客者乃為詩  
曰河清不可俟人命不可延順風激靡草富貴  
者稱賢文籍雖滿腹不如一囊錢伊優北堂土  
骯髒倚門邊魯生聞此辭繫而作歌曰執家多  
所宜款唾自成珠被褐懷金玉蘭蕙化為芻蕘  
者雖獨悟所困在群愚且各守爾分勿復空馳

驅哀哉。沒哀哉。此是命矣夫。

趙壹又有窮鳥賦曰。有一窮鳥。戢翼原野。罟網加  
上。機穿在下。前見蒼隼。後逼驅者。繳彈張右。羿  
弓發左。飛丸繳矢。交集於我。思飛不澤。欲鳴不  
可。舉頭畏觸。搖足恐墮。內獨怖急。乍米乍火。

皇甫嵩

字義真

靈帝末。黃巾作亂。以皇甫嵩為左中郎將。討賊數  
有功。拜左車騎將軍。領冀州牧。封槐里侯。奏請

以冀州一年田租贍飢民。百姓歌曰：天下大亂，  
兮。市為墟，母不保子兮。妻失夫，賴得皇甫兮。渡  
安居。

獻帝協

字曰合，曹丕篡位廢為山陽公。

獻帝初有詔曰：今耆儒年踰八十，去離本土，結童  
入學，白首空歸。長委農野，永絕榮望。朕甚憫焉。  
其依科罷者，聽為太子舍人。時長安中為謠曰：  
頭白皓然，食不充糧。裹衣寒裳，當還故鄉。聖主



愍念悉用補郎舍是布衣被服玄黃

獻帝初京都童謠云千里草何青青十日卜不得  
生千里草為董十日卜為卓未幾為王允所殺  
乃應其識九別字之體皆從上起左右離合無  
有從下發端者今二字如此天意若  
曰卓自下摩上  
以臣陵君耳

劉虞

獻帝初拜太傅敝  
衣絕屣食無燕肉

初平初關東諸將奉幽州牧劉虞為帝虞不受時  
有童謠云燕南垂趙北際中央不合大如礪唯

有此中可避世。公孫瓚以為易地當之。乃攻殺  
虞盡。有幽州之地。曰徙鎮焉。建安三年瓚為袁  
紹所滅。斯亦自易地而去世云。

劉表

字景升 荆  
州刺史

初平初荀彧勸劉表南據江陵北守襄陽表從之  
襄陽有冠蓋亭在冠蓋山下靈帝末有四郡守  
七都尉二卿兩侍中一黃門二侍郎三尚書六  
刺史二十長史表以其豪盛乃即其山道口刊

石銘之曰峨峨南岳烈烈離明寔繁俊乂君子  
以生惟此君子佐漢之英德為龍光聲比鶴鳴

仲長統

字公理嘗著論曰昌言後恭  
曹操軍事獻帝遜位之歲卒

仲長統有述志詩二首其一曰飛鳥遺跡蟬蛻亡

殼騰蛇弃鱗神龍喪角至人能變達士拔俗乘  
雲無轡騁風無足垂露成幃張霄成幄沆瀣當  
餐九陽代燭恒星豔珠朝霞潤玉六合之丙恣  
心所欲人事可遺何為局促其二曰天道雖夷

見我者寡。任意無非。造物無可。古人練繞。委曲如瑣。百慮何為。至要在我。寄愁天上。埋憂地下。叛散五經。成弄風雅。百求謀碎。請用從火。抗志山樓。游心海左。元氣為舟。微風為柁。翱翔太清。縱意容冶。

蔡邕

字伯喈。母表公妹。唯鄉姑也。少博學。師事太傅胡廣。邕飲至一石。常醉在路上。

邕人名曰醉龍。性沉審。志好琴道。熹平中。入清溪。訪鬼谷。故居山五。曲曲有靈迹。每一曲。制一弄。曲成。出呈馬季長。歎異之。嘗避於吳。顧元歎從。琴。邕歎異之。曰。卿

必成今以吾名典卿碩遂名雍又是中郎  
所敷因用數為字吳人有燒桐以爨者邑  
聞火烈聲知其良木因請裁為琴果有美  
音時人名焦尾琴又嘗經會稽高遷亭見  
屋椽竹東間第十六可以為笛取用果有  
異聲孔融典邕素厚邕亡后有虎賁士貌  
相類融每酒后引典共坐曰雖無老成人  
尚有典刑女琰字文姬初適河東新仲道  
夫亡無子後自胡中  
歸重嫁陳留董祀

古詩客從遠方來遺我雙鯉魚呼童烹鯉魚中有  
尺素書書中竟何如上有加餐食下有長相憶  
此蔡中郎所作

蔡中郎又有翠鳥詩曰庭陬有若榴綠葉含丹榮  
翠鳥時來集振翼脩形容回顧生碧暎動搖揚  
縹青幸脫虞人機得親君子庭馴心托君素雌  
雄保百齡

蔡中郎短人賦云雄荆鷄兮鶩鶩鷄鶻鳩鷄兮鶻  
鷗鷗冠戴膝兮啄木兒觀短人兮形若斯藝地  
蝗兮蘆卽且繭中踊兮蠶蠕須視短人兮形若  
斯木門闢兮梁上柱弊鑿頭兮斷柯斧鞞鞞鼓

弓補履。獲脫杓。椎兮擣。薤杵視短人。弓形如許。  
蔡中郎青衣賦云。金生砂礫。珠出蚌泥。歎茲窈窕。  
散在卑微。眇情傲麗。皓齒蛾眉。縱橫接髮。葉如  
低葵。綺袖丹裳。躡躡絲屣。盤踞蹠蹠。坐起低昂。  
和暢善笑。動揚朱唇。都冶斌媚。卓犖多姿。精惠  
小心。趨事如飛。中饋裁割。莫能雙追。同時河間  
張起。聞而規之作。誚青衣賦。其略云。彼何人斯。  
悅此艷姿。麗辭美譽。雅句斐斐。文則可佳。志卑

意微鳳兮鳳兮何德之衰高岡可華何必棘茨  
醴泉可飲何必滂池勤節君子無當自逸宜如  
防水守之以一秦繆思塔故獲傳吉

東國宗祇  
中即不言

名成稱蔡名克州陳留孟孟蓋形  
像為之目曰文同三閭孝齊參審

興平中天下喪亂蔡文姬送於南匈奴在左賢王  
部伍中十二年生二子曹操痛豈無嗣初大將  
軍以金璧贖歸文姬歸行作詩云家既迎兮當  
歸寧况呼母兮啼失聲我捲耳兮不忍聽比歸



操聞邕遺書對曰亡父積書四千餘篇流離塗

炭罔有存者今所誦憶裁四百餘篇因乞給紙

筆真草惟命於是繕書送上不遺一字

文姬博學有才

辨又妙於青六歲時中郎於夜中鼓琴絃絕問之曰第一絃復故歎一絃問之曰第四絃中郎曰偶中耳文姬曰吳札觀風知四圍吳山師曠吹律識南風不難由此觀之何足不知按晉書后妃傳景獻羊皇后母蔡氏邕女也又羊祜傳祜邕外孫景獻皇后同產弟結討吳有功祜進爵上以賜舅子蔡瑛詔封縣閔內侯是邕未嘗無嗣其女亦未嘗為董祀妻也

蔡文姬既歸胡人思慕之乃捲蘆葉為吹笳奏哀

怨之音。後董生以琴寫胡笳聲為十八拍。其一  
曰我生之初尚無為我生之後漢祚衰天不仁  
兮降亂離地不仁兮使我逢此時。干戈日尋兮  
道踣危。民卒流亡兮共哀悲。煙塵蔽野兮胡虜  
盛。志意乖兮節義虧。對殊俗兮非我宜。遭惡辱  
兮當告誰。笳一會兮琴一拍。心憤怨兮無人知。  
其二曰戎羯逼我兮為室家。將我行兮向天涯。  
雲山萬重兮歸路遐。疾風千里兮揚塵沙。人多

暴猛兮如虺蛇。控弦被甲兮為騎。奮兩拍張絃兮絃欲絕。志摧心折兮自悲嗟。其三曰越漢國兮入胡城。亾家失身兮不如無生。羶來為裳兮骨肉震。驚羯羶為味兮枉過我情。鞞鼓喧兮從夜達明。胡風浩浩兮暗塞營。傷今感替兮三拍成。銜悲畜恨兮何時平。其四曰無日無夜兮不思我鄉土。稟氣含生兮莫過我最苦。天災國亂兮人無主。唯我薄命兮沒戎虜。殊俗心異兮身

難處嗜慾不同弓誰可與語尋思涉歷弓多謫  
阻四拍成弓益悽楚其五曰雁南征弓欲寄邊  
般雁北歸弓為得漢音雁飛高弓逸難尋空斷  
腸弓思惜惜攢眉向月弓撫雅琴五拍泠泠弓  
意彌深其六曰冰霜凜々弓身苦寒饑對肉酪  
弓不能餐夜聞隴水弓聲嗚咽朝見長城弓路  
杳漫追思往日弓行李難六拍悲琴弓欲罷彈  
其七曰日暮風悲弓邊聲四起不知愁心弓說

向誰是。原野蕭條。烽戍萬里。俗賤老弱。少壯為美。遂有水草。安家葺壘。牛羊滿野。聚如蜂蟻。草盡水竭。羊馬皆徙。七拍流恨。惡居於此。其八曰。為天有眼。何不見我。獨漂流。為神有靈。何事處我。夫南海北頭。我不負天。兮。夫何配我。殊匹我。不負神。兮。神何殛我。越荒州。製茲八拍。兮。擬俳優。何知曲成。心轉愁。其九曰。天無涯。兮。地無邊。我心愁。兮。亦淩然。生倏忽。

兮如白駒之過隙然不得歡樂兮當我之盛年  
矣兮欲問天天蒼蒼兮上無綠舉頭仰望兮空  
雲烟九拍懷情兮誰與傳其十曰成頭烽火不  
曾滅疆場征戰何時歇殺氣朝朝衝塞門胡風  
夜夜吹邊月故鄉隔兮音塵絕哭無聲兮氣將  
咽一生辛苦兮緣離別十拍悲深兮淚成血其  
十一曰我非貧生而惡死不能捐身兮心有以  
生仍冀得兮歸桑梓死當埋骨兮長已矣日居

月諸兮在戎壘。胡人寵我兮有二子。鞠之高之  
兮不羞耻。愍之念之兮生長邊鄙。十有一拍兮  
因茲起哀響。纏綿兮徹心髓。其十二曰東風應  
律兮暖氣多。知是漢家天子兮布陽和。羌胡蹈  
舞兮共謳歌。兩國交驩兮罷兵戈。忽遇漢使兮  
稱近詔。遣千金兮贖妾身。喜得生還兮逢聖君。  
嗟別稚子兮會無因。十有二拍兮哀樂均。去住  
兩情兮難具陳。其十三曰不謂殘生兮却得旋

歸撫抱胡兒兮泣下沾衣。漢使迎我兮四牡駢  
駢號失聲兮誰得知。與我生距兮逢此時。愁為  
子兮日無光。輝焉得羽翼兮將汝歸。一步一遠  
兮足難移。竟消影絕兮息愛遺。十有三拍兮絃  
急調悲。肝腸攪刺兮入莫我知。其十四曰身歸  
國兮兒莫之隨。心懸懸兮長如饑。四時萬物兮  
有盛衰。唯我愁苦兮不暫移。山高地濶兮見汝  
無期。更深夜闌兮夢汝來斯。夢中執手兮一喜



一悲覺後痛吾心兮無休歇時十有四拍兮涕  
淚交垂河水東流兮心是思其十五曰十五拍  
兮節調促氣填胸兮誰識曲康寧虛兮偶殊俗  
願得歸來兮天從欲再還漢國兮歡心足心有  
懷兮愁轉淡日月無私兮曾不照臨子母分離  
兮意難任同天隔越兮如商參生死不相知兮  
何處尋其十六曰十六拍兮思茫茫我與兒兮  
各一方日東月西兮徒相望不得相隨兮空斷

腸對萱草兮憂不忘。彈鳴琴兮情何傷。今別子  
兮歸故鄉。舊怨平兮新怨長。泣血仰頭兮訴蒼  
蒼。胡為生兮獨罹此殃。其十七曰十七拍兮心  
鼻酸。関山阻脩兮行路難。去時懷土兮心無緒。  
來時別兒兮思漫漫。塞上黃蒿兮枝枯葉乾。沙  
場白骨兮刀痕箭瘢。風霜凜凜兮春夏寒。人馬  
饑羸兮筋力單。豈知重得兮入長安。歎息欲絕  
兮淚闌干。其十八曰胡笳本自出胡中。綠琴翻

出音律同十八拍弓曲雖終響有餘兮思無窮  
是知絲竹微妙兮均造化之功哀樂各隨人心  
兮有變則通胡與漢兮異域殊風天與地隔兮  
子西母東苦我怨魚兮浩於長空六合雖廣兮  
受之應不容

鄭玄

字康成師扶風馬融融勤學夢見一林  
花如錦繡房中摘此花食之及寤見天

下文詞無所不知時人彌為繡囊玄三載  
無一業成融遠還玄過樹陰假寐夢一老  
父以双開其心傾墨汁著玄心內於是遂  
返精洞典籍人以為經袖常居不其說南

山中教授黃巾亂乃避遠生徒諸賢於此  
揮涕而散所居山下有草如薤葉長尺餘  
許俗謂康成書帶素組嘗戲玄欲玄必醉  
會者三百餘人皆雜席奉觴度玄飲三百  
餘柘而溫克之容於月無息孔融雅敬玄  
屣屣造門告高密縣為玄特立一鄉曰鄭  
公鄉玄有子為融吏融被圍往赴為賊所  
害有遺腹子以丁卯日生而玄以丁卯歲  
生名曰

小同

鄭玄家奴婢皆讀書嘗使一婢不稱旨將撻之方  
自陳說玄怒使人曳著泥中須臾復有一婢來  
問曰胡為乎泥中答曰薄言往愬逢彼之怒

孔融

字文舉孔子二十四世孫十歲時請李膺膺甚奇之太中大夫陳寔戲曰小時

了大未必佳融曰想君小時必當了了  
建大欺暗後為北海太守累遷大中大夫  
與白木初對放言傲物對謂仲尼不死融  
謂顏回接生却處與有隙諧之為曹操必  
害

孔融作郡姓名字詩云漁父屈節水潛匿方

離魚字

與肯進止出行施張

離日字魚日合成魯

呂公璣釣閔口

渭衛

離口字

九域有聖無土不王

離或字口或合成國

好是

正直女回于匡

離子字

海外有截隼遊鷹揚

離乙字

恐古文與今文不同合或孔也

六翮將奮羽儀未彰

離字

蛇龍

之蟄俾也可忘

離字 玫瑰璇隱曜美玉韜光

去玉

成文不須合

無名無譽放言溪藏

離字

按轡安行誰

謂路長

離才字

蓋離合魯國孔融文舉六字

古詩

有離合體近人多不解此体余讀文類得北海此詩如首章云漁父屈節水潛匿方共首進止出行弛張第一句漁字第二句水字漁犯水字而去水則存者為魚字第三句有肯字第四句有出字肯犯出字而去出則存者為日字離魚典日而合之則為魯字下四章類此此離一字偏奇為兩句而四句委合為一字者

孔北海好酒及客恒曰坐。上客長滿樽。中酒不空。  
吾無憂矣。嘗作詩云。歸家酒債多。門客聚幾行。  
高談滿四座。一日傾千觴。

禰衡

字正平。年夫及冠而孔文舉已踰五十。相與為爾汝交。嘗北遊許都。懷一刺字。

漫感無所通。或問當今誰可禰。曰大兒孔文舉。小兒揚德祖。

禰衡常有辭。吊張衡曰。南岳有精。君誕其姿。清和有理。君達其機。故能下筆綉辭。揚手文飛。昔伊尹值湯。呂尚遇旦。嗟矣君生。而獨值漢。蒼蠅爭

飛鳳凰已散。元龜可羈。神龍可絆。石堅而朽。星華而滅。惟道興隆。悠永靡絕。君音永浮。君聲永流。余生雖後。身亦存遊。士貴知己。君其勿憂。

武魏

帝園欲辱衛乃錄為鼓吏後朝會大閱試鼓節作三重閣列坐賓客以帛絹製衣作一岑年一單絃及小憚鼓吏度者皆當脫其故衣著此新衣次傳衛擊鼓為漁陽摻槌蹋地來前音節殊妙既度不肯易衣吏呵之衛便止當武帝前先脫憚次脫餘衣裸身而立徐徐乃著岑半次著單絃後乃著憚畢後擊鼓摻槌而去帝笑謂四坐曰木欲辱衛反辱孤既乃送衛於荊州為黃祖掌書記兵祖子射共讀蔡伯喈碑射恨不繕偏衛一覽能識之惟第四行中石盡磨



兩字不分明射馳使寫碑惟兩字不着一日祖大會有獻鸚鵡者射請賦以娛賓客銜椀筆而就辭采甚麗後于座上言不遜為祖所害

魏伯陽

吳人本高門之子而性好道術作參同契其說佞解周易其論作丹之

意與弟子三人入山作神丹成乃曰先宜與犬試之若犬飛然後人可服乃與犬食犬即死伯陽服丹入口即死一弟子服之亦死余二弟子遂不服乃共出山去後伯陽即起將所服丹內弟子及犬口中皆起遂皆仙去二弟子乃始懊恨

參同契後叙云卽會鄙夫幽谷朽生委時去害依

記丘山循遊寥廓與鬼為鄰百世一下遨遊人

間湯遭厄際水旱隔屏乃隱魏伯陽字又越絕  
書絕篇之言曰以去為姓得衣乃成厥名有米  
覆之以庚禹來東征死葬其鄉不直自斥託類  
自明又曰文屬詞定自于邦賢以口為姓承之  
以天楚相屈原與之同名去得衣乃表字米覆  
庚乃康字禹葬會稽是乃會稽人表康以口承  
天吳字屈原同名平字與康同著此書者乃吳  
平也

東漢末文人好作隱語孔融隱其姓名於  
離合詩魏伯陽隱其姓名於參同契融與

伯陽俱漢末時人故文字稍同  
則越盜書之尋為同時何疑

焦光

字孝然生漢末及魏受禪結茅独止其  
中太守董經往視之不肯語常食白石

以分其人譏者如羊會之後不  
知所適今鎮江焦山以先許名

魏伐吳有竊問隱士焦光光不應謬歌云祝魴祝  
魴非魚非肉更相追逐本為殺牂羊更殺殺魴  
後魏軍敗人推其意牂羊指吳殺魴指魏也

堯山堂外紀卷七終